

Septimo. Che con l'Orator destinato al Signor tureho debba andar uno nuntio di quella comunità, per veder di la recuperation di la preda di animali fatta su quel territorio per il sanzacho dil Duchato. Se risponde che semo contenti mandino uno suo.

66* Octavo. Si conciedi a tenir 30 fanti dalmatini per scolte con salario di ducati 2 1/2 al mexe per uno, da esser de 6 mexi in 6 mexi pagati. Se risponde semo contenti che quel nostro rector de li, con el Provedador zeneral ne elegino 24 dalmatini a questo efecto.

Nono. Che fuste non passi per quel porto che siano di turchi. Se risponde zerca questo aver scritto in opportuna forma a quel rector nostro de li.

Decimo. Dimandano feramenti e legnami per far cadene al porto. Semo contenti di mandarne.

Undecimo. Rechiedono, atento le mure de la cità siano male conditionate, come sa il clarissimo olim Capitano zeneral, però si mandi danari et uno inzegner per repararle. A questo se risponde se darà il cargo al Provedador zeneral, che se informi et ne dagi aviso, qual auto, le debite provisione faremo.

Duodecimo. Rechiedono bombardieri 10, i quali siano nel numero di provisionati, *etiam* per governar le artellarie sono de li et monition rechieste per la poliza. Si risponde si manderà 4 bombardieri et do sono de li, sichè saranno 6.

Tertiodecimo. Che 'l sopra masser ogni 6 mexi fassi conto di le monition etc. Se risponde, semo contenti che di questo ogni 6 mesi fazi relation al rector.

Quartodecimo. Che a le do tore sono ne la boca interior dil porto siano alzati i muri, *praecipue* da la banda di terra ferma, et sia messe in quelle diligente custodia. Se risponde che si darà commission al Provedador general se informi.

Quintodecimo. Perchè in bocha dil porto è uno scogieto, richiedono che sopra el dito sia fabbricato una forteza, et postovi dentro artellaria et bona guarda. Se risponde si darà la commission al Provedador zeneral si informi di questo, e dagi aviso acio si possi proveder.

Sexto decimo. Che per capo di quelli 30 paesani deputati a le scolte sia capo Zorzi Margitich, qual è homo valoroso e praticho, qual habbi il salario come li altri compagni, e habbi la bolletta di la camera insieme con li stipendiati dil castello, e di lo avanzo li siano consignati tanti debitori exegibeli, acio possi esser satisfato. Se risponde semo contenti darli ducati uno oltra li ducati 4 l'ha, et sia levà la sua bolletta, *ut supra*.

Decimo septimo. Atento *noviter* è stà fatto che tutti quelli vanno a li molini di la Signoria si apresenti al governador di Scardona, et habbi uno suo bolletin, rechiedono che *de coetero* non debbano andar.

Decimo octavo. Che quelli di Scardona non volendo convicinar ben con quelli di Sebinicho, non si lassi li ditti praticihar in Sebinicho, nè alozino la notte in la città, overo ne li borgi. Se risponde a questi do capitoli che si scriverà al conte di Sebinicho usi 67 ogni honesto modo, che in loco di andar a tuor a Scardona boletini, portino una banderuola con San Marcho ne le loro barche, et non lassi praticihar scardonesi se non sempre con bona advertentia.

Decimo nono. Atento li turchi habbiano depredà quel territorio, et non è stà lassà seguirarli, che *de caetero*, acadendo, non siano devadati di poter essi turchi seguirli. Se risponde se darà tal ordine al rector nostro de li, et Provedador zeneral di questo, che speremo le cose loro procederano bene.

Vigesimo. Che a la torre de Verpoglio in campo de sotto sia tenuto la guardia come se soleva far. Se risponde che scriveremo al rector et Provedador zeneral, che di questo ne informi.

Vigesimo primo. Atento de li a Sebinicho è assà cause di appellation, rechiedono si mandi uno Synicho, *etiam* per altre occorentie. Se risponde, semo contenti elezer do Sindici in Dalmatia, quali manderemo *immediate*.

Vigesimo secundo. Che sia deputà in Sebinicho uno magazen grandò dove si habbi a tenir la munition, feramenta et legname. Se risponde cometeremo al Provedador zeneral che sia con quel rector et provedi di uno magazen apto a questo.

Vigesimo tertio. Che a li do capetanei de li provisionati sono de li, zoè Gatino da Bologna et Hirónimo da Napoli sia acresiuto le loro compagnie fin a fanti 100 per uno. Se risponde ogni fiata intenderemo esser bisogno di maior prescidio di fanti, proveremo di mandarne di altri.

Ave li ditti capitoli posti per li Savii. 155, 0, 1; et fo presi.

Dil mexe di Mazo 1523.

A dì primo Venere. Introno Cai di questo mexe di Mazo sier Polo Donado et sier Zuan Miani stati altre fiata, et nuovo sier Polo Trivixan fo Consier qu. sier Andrea.

(1) La carta 67* è bianca